

永興縣志卷六

知永興縣事呂鳳藻主修

山川志

山川之流峙扶輿之磅礴氤氳也永邑固多山之區而溪流亦復不乏嵯峨婉轉不可盡書書其最著者先輩李永敷曰崇岡疊巘遠渚長溪非特以誇勝競奇而長育灌溉澤物利生實嘉賴之况其大又鍾靈秀產賢才哉夫人以地傑地還以人靈後之人覽勝概而景前賢當必有為山川生色者

永興縣志

卷之六

山川

山

華蓋山

在縣治後城中最高處一名梧桐山上有娘娘廟前有鐵鳳埋地閒

金箱山

二山俱在城東南

三台山

在學後三峯連屬如珠一峯獨高聳而大故名大魁

天馬山

二山俱在城西隔河面學

鷄公山

在縣東隔河約半里一名鷄公巖州志名鳳凰山山巒秀聳臨江石起如鷄故名上

有真武廟康熙十七年吳逆再犯縣城神顯靈威旌旗壁壘行列滿山賊望風潰走康熙二十二年奉

旨遣官致祭

御製碑文重建廟宇詳載祀典藝文年久傾圮乾隆十六年前令沈維基倡捐重修並增建

昌閣奎星樓設田勒石詳明入交代今樓閣均頽

天王臺山 在城西附郭山峙如臺舊有天王寺歲旱嘗詣禱雨

仙母山 在縣東二里潘家園之上世傳潘母生子蘇耽仙去故名

聯珠山 在縣東五十里圓峯疊疊如穿珠然上偏有峯神殿

羊角山 天寶山 二山俱在縣東八十里

天竺山 在縣北二十里甚高聳上有九仙亭舊注在西誤

石箇山 在縣北二十里

馬石山 在縣北四十里狀如馳馬故名

雷應山 在縣北五十里

桃源山 在縣北六十里

八仙山 在縣北八十里一峯高聳懸巖削壁昔人避兵處相傳八仙賭勝射穿對岸石山故

永興縣志

卷之六

山川

名按方輿紀要以八峯並峙誤

四十八峰山 在縣北九十里四十八峰拱峙攢簇故名

東嶺 在縣東四十里壁立千尋綿亘如垣

獅嶺 在縣西二十五里山極高一登其上數十里峯巒羅拜於下

長虹嶺 在縣西二十五里

龍珠嶺 在縣西三十里

石羊嶺 在縣西五十里

五峰嶺 在縣西北二十里峯峙如指

斗嶺 在縣北三十里下有靈泉舊志列在縣西誤

仙嶺 在縣北五十里中有石穴甚深邃土人嘗禱雨於此

彈子巖

在縣東五里上有石小孔無數圓如彈窩

金紫巖

在縣東四十里巖高數十丈昔傳仙人嘗奕於此後有神現架樓數層作梯登焉中窟路可容一身至上層始寬大可容數十人巖上產金紫藤頗有異香故名

金寶山

在縣東八十五里

土富山

在縣東南三十里

晶岡山

在縣南五里峰尖如削

聚寶山

在縣南三十里

龍角山

在縣西南十里遙對學宮峰尖如筆昔人採入十景曰文筆千尋

合岡石臺山

在縣西五里兩山相合上有石臺數十丈故名

龍耳山

在縣西二十里雙峰屹立儼如龍耳上有廟相傳禱雨多應

永興縣志

卷之六

山川

三

吐珠山

在縣西二十五里

金盆山

在縣西四十里狀如盆

高亭山

在縣西五十里即寨嶺下有凸頭堡唐以此山名縣

白馬山

在縣西五十里上有古祠俗傳昔人禱雨有應祭以白馬故名

萬壽山

在縣西南九十里

步雲山

在縣西六十里巖壑雅秀

白鶴山

在縣西七十里上有泉及盟山王廟歲旱禱雨於此

金湖山

在縣西八十里有靈泉舊傳禱雨每多立應

白豹山

在縣西九十里接桂陽州界以山曾出白豹故名

金鷲山

在縣西北二十里

玉鰲山 在縣北二里上 有鄧公祠今廢

燕子巖 在縣西康潛山下有洞寬五丈許 中有龍王像旁有泉流寒冽侵人

觀音巖 在縣西十里壁立瞰江巖上有龕龕可布 三四席中設觀音像懸梯以登巖下有石

如象江心有石如 獅邑之奇觀也

金花巖 在縣西二十里龍耳山下俗名漣漣巖 後有龍潭莫究其極今人禱雨必造焉

飛鷺砦 在縣南三里形如飛鷺昔 彭相公築壘避兵即此地

銀岡砦 在縣西 六十里

問仙洞 在縣東雷壇下 邑人曾介闢

九折洞 在縣東四十里路 徑透迤入十一盤

香爐石 在縣東上游五里一石 突出水巖狀如香爐

永興縣志

卷之六

山川

四

金龜石 在縣南四 里狀如龜

覆鐘石 在縣南五里地名龍沙有 石突起溪濱宛如覆鐘

淨瓶石 在觀音巖 下狀如瓶

屏風石 在觀音巖下西 岸如屏風可愛

金龍山 在縣西南八十里山頂有 寺常有雷神下降焉

侯憩山 在縣西北五十里漢諸葛武侯憩此故名 一名計山言在此計畫也一峯高聳羣山

羅列其下霧起則雨否則晴絕頂有庵明成 化七年十三都四甲曹子華建有雷雨洗殿 煙霧繞室迷時三年一次至今猶然 按廣輿記載入未陽誤今正之

堆頭朱家山 在縣東一百里山下有 江李應等建石橋

大湖山 在縣東一百一十里上有 廟南屬永北屬安邑

長安水 在縣西南六十里金陵鄉源出棲鳳山西北流七十里灌田三十頃合森水流入耒江

水側舊有長安館

森水 在縣西十五里長安白豹油塘諸水俱會流於此以達耒江

八石水 在縣西十五里泥堡下源出獅嶺春漲可通舟

潮水 在縣西八十里金陵鄉清冷瑩徹日夜雨潮後有人鑿渠引水灌田遂不潮今仍復潮

白豹水 在縣西八十里源出白豹山與油塘江合流出森口與耒水合

四十二渡水 一名注水在縣東北一百里源出乾溪西北流四十五里至博笏村勝船

五石又西南迴流百二十里出注江口由便達耒水按舊注在縣東延道鄉誤

便江 舊四志俱無此呂志補出考云州志載便江在縣前上接郴州興甯諸水合流出森口入耒河又查縣志靈江注云水流與便水合不稱江而稱水則便之別有一水可知且漢代

永興縣志

卷之六

山川

六

因水名縣必有所指查漢舊縣址在今城東注江西而靈江又在今城西此上下十七里中應有其源流可溯再四考閱今城東門外化龍橋下之水南流入江自城北玉鰲山來莫得其源疑即是便而源本細微易壅閉土人因其時渴時湧不甚經意遂相與忘其名在漢代近此地立縣故特取以命名也又接郴與永各水以會流於耒江者舉名為江故上流之郴水為郴江興甯之水入郴江者即名為東江程江永興之注水靈水油塘水凡會於郴江者皆名為江便水在注靈之間達於江故亦得注名今按邑人蕭開元作有便江考見

注江 在縣東十五里按此即

大步江 在縣東八十里源出興甯關界至此數流相合可勝舟楫流經安仁出雷家堡

靈江 在縣西二里水

流與便江合

油塘江 在縣南二十里源出桂陽州小舟

桃花湯 在縣西六十里金陵鄉冬夏常暖

溫泉湯 在縣西六十里水經注名圓水一邊極熱一邊極冷四時皆然

灌泉 在縣西三十里

鐵爐頭大泉 在縣西六十里古人砌有四門水從門出里人劉永泰開渠引水灌田至

千畝

潦溪 在縣東北五十里發源黃沙泉北流合清溪水會大步江入安仁界舊志注北流至碧潭

與衡山分界查碧潭在縣西

清溪 在縣北七十里舊志缺考州志發源三

八尺洪 在縣西觀音巖下亂石搓牙雪浪喧

永興縣志 卷之六 山川 七

童家灣 在縣西上有巨石俯瞰江面其水極深瀾光回旋

碧潭 在縣西

紫井 在縣北附郭其泉色紫重於他水取以定銅壺滴漏時刻不爽

龍灘 在縣東一百里

滴山水 在縣東一百里